

21/09/1997

Pakailah topeng

ALKISAHNYA, pada musim jerebu ni, eloklah dengar nasihat Dr Mahathir. Khamis lalu, beliau nasihatkan orang ramai pakai topeng untuk jaga kesihatan. Itu cadangan bernas.

Tapi nampaknya topeng dah banyak orang pakai. Mungkin sebab itulah topeng sekarang susah diperoleh. Di kebanyakan klinik dan farmasi, ia sudah habis dijual. Maklumlah sebelum ni mana ada orang pakai topeng macam tu.

Jadi mereka yang terbabit perlulah pastikan bekalannya mencukupi. Jika jerebu berlarutan, nampak gayanya semakin bertambahlah mereka yang menghidap penyakit yang ada kaitan dengan pernafasan dan konjunktivitis.

Ikut statistik yang disebut oleh Menteri Kesihatan Datuk Chua Jui Meng, bilangan pesakit dengan masalah sistem pernafasan and konjunktivitis meningkat dengan ketara.

Beliau berkata, jumlah kes pesakit dengan jangkitan pada saluran atas pernafasan bagi tempoh itu ialah 2,747 orang dewasa dan 3,795 kanak-kanak, lelah (381 dewasa dan 728 kanak-kanak) dan konjunktivitis (161 dewasa dan 358 kanak-kanak). Laporan hospital swasta dan pengamal perubatan swasta juga menunjukkan trend yang sama.

(END)